



Broj: 04-40-1-217/25
Sarajevo, 06.08.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 05.08.2025. do 08:30 sati 06.08.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 8 intervencija: gašenje kontejnera sa smećem, gašenje elektroinstalacija u stanu i šest obezbjeđenja pretakanja goriva na Aerodromu

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 05.08.2025. godine, utvrdili su slijedeće stanje:

1. Curine njive (Opština Istočni Stari Grad / Općina Stari Grad Sarajevo – Bostarići)

Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta). U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje drenažnih kanala i kontrolisana odvodnja vode iz tijela klizišta do najbližeg recipijenta. Usljed atmosferskih uticaja prisutna je erozija dijela zemljišta.

Prilikom vizuelnog pregleda lokaliteta klizišta Curine njive, nisu uočene veće promjene u odnosu na prethodne dane. Površina tla je pretežno vlažna poslije kiše, izuzev nekoliko mjesta na kojima se mogu uočiti malo povišeni izvori vode koji izviru ispod deponije i ulijevaju se u drenažni kanal. Ova pojava ukazuje na prisustvo podzemnih voda, koje izlaze na površinu u nižim dijelovima terena, iako nije došlo

do značajnijih promjena u intenzitetu izlivanja. Situacija ispod samog igrališta ostaje nepromijenjena, pri čemu je i dalje vidljiva prisutnost vlage u tlu posebno u dijelu prema kućama Kerića.

Daljim pregledom terena iznad rasadnika uočena su dva manja potoka koji trenutno imaju manji kapacitet protoka vode, ali kontinuirano otječu prema naselju koje se nalazi ispod klizišta. Zaključak: Iako tokom posljednjeg vizuelnog pregleda nisu zabilježene značajnije promjene na lokalitetu klizišta Curine njive, prisustvo podzemnih voda, manjih izvora i potoka, kao i blatnjavih površina ukazuje na to da je tlo i dalje nestabilno i podložno promjenama usljed vremenskih uticaja. Posebnu pažnju zahtijeva područje ispod igrališta, gdje je tlo i dalje vlažno i blato prisutno, što može biti indikator trajne infiltracije vode. Dodatno, nagnuta i oborena stabla iznad rasadnika svjedoče o potencijalnom širenju klizišta ili slabljenju tla na tom dijelu. Preporučuje se nastavak redovnog monitoringa terena, naročito nakon padavina.

Lokalitet je ocijenjen kao uslovno kritičan zbog geoloških procesa te zahtijeva kontinuiran nadzor.

2. Knjeginjac (Opština Istočni Stari Grad)

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenou konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Prilikom vizuelnog pregleda deponije Knjeginjac, u donjem dijelu lokaliteta uočeno je konstantno prisustvo vode uz blago povećanje dotoka zbog kiše koja je padala predhodni dan, uz vidljivo blatnjavo tlo i izraženu vlagu na većem dijelu površine. Ova situacija ukazuje na kontinuiranu zasićenost tla vodom, što može predstavljati rizik za stabilnost nižih slojeva deponije. Na cijeloj deponiji i dalje je prisutno blago osipanje zemlje, posebno izraženo na gornjem dijelu. Površina gornjeg dijela deponije je pretežno suha, bez vidljivih tragova dovlačenja novog materijala, kako zemljanog tako ni drugog otpada. Zaključak: Deponija Knjeginjac pokazuje znakove lokalne nestabilnosti, posebno u donjem dijelu gdje je prisutna stalna vlaga i blatnjavo tlo. Iako nije uočen dovoz zemljanog niti drugog materijala, blago osipanje na gornjem dijelu zahtijeva kontinuirani nadzor.

Suha površina gornjeg dijela ne umanjuje potencijalni rizik od erozije ili proklizavanja u vlažnijim zonama, naročito pri većim padavinama. Preporučuje se redovno praćenje stanja tla i drenaže, uz razmatranje dodatnih mjera za stabilizaciju donjih zona deponije.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac / Opština Istočni Stari Grad)

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka.

Prilikom obilaska Bistričkog potoka nije uočen zastoj u protoku vode. Vodotok je prohodan, a protoka vode nema u koritu, što ukazuje na trenutno smanjen dotok vode. U gornjem dijelu potoka, koji se nalazi na području opštine Istočni Stari Grad, vidljivo je prisustvo oborenih stabala kao i urušenih stijena unutar samog korita. Ove prepreke trenutno ne uzrokuju začepljenja, ali bi mogle predstavljati potencijalni rizik za protok vode u slučaju jačih padavina ili povećanja vodostaja. Zaključak: Bistrički potok u trenutnom stanju: nema dotoka vode ali gornji dio toka, koji pripada opštini Istočni Stari Grad, pokazuje znakove zapuštenosti i potencijalne opasnosti. Oborena stabla i urušene stijene u koritu potoka ne izazivaju trenutne probleme, ali bi u uslovima povećanog protoka mogli dovesti do zastoja i lokalnih plavljenja. Preporučuje se uklanjanje prepreka i redovno održavanje korita kako bi se očuvala njegova protočnost i spriječile eventualne posljedice u budućnosti.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale usljed promijenjenog toka vode.

4. Evakuacija stanovništva s ugroženih područja

Na osnovu Naredbi Štaba civilne zaštite Kantona Sarajevo (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i Planova evakuacije Općine Stari Grad Sarajevo, Služba CZ redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U tridesetprvoj kalendarskoj sedmici (period od 28.07. do 03.08.2025. godine) Zavodu za javno zdravstvo Kantona Sarajevo dostavljeno je ukupno 22 prijave zaraznih bolesti obaveznih prijavljivanju, od toga dva enterocolitis acuta, jedan glardiasis, jedan herpes zoster, 14 infectio nosocomialis, tri tuberculossis activa, jedan Q-fever.

Broj oboljelih u Kantonu Sarajevo od Leptospiroze na dan 06. 08.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 06.08.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
115	77	13	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 18°C, vlažnost zraka 83%, barometarski pritisak 948,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a